



**Clypevs Theologiæ Thomisticæ**

Continens Tractatus de Beatitudine, de Actibus humanis, eorumque  
Moralitate; de Virtutibus ac Donis, de Vitiis ac Peccatis, & de Legibus,  
nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. II. Secunda dos corporis gloriosi

---

[urn:nbn:de:hbz:466:1-77355](#)

## DE DOTIBVS ET AVREOLIS BEATORVM. 77

nempe impassibilitatem, agibilitatem, claritatem, & subtilitatem, ut fiat dignum habitaculum animæ glorioæ, & Deo desponsatae. *Sicut enim* (inquit S. Doctor 4. contra gentes cap. 86.) *anima hominis elevabitur ad gloriam spirituum cœlestium, ut Deum per essentiam videat.... ita ejus corpus sublimabitur ad proprietates cœlestium corporum, inquantum erit clarum, impassibile, absque difficultate & labore mobile, & perfectissime suâ formâ perfectum.* Unde Paulus i. ad Corinth. 15. *Seminatur corpus nostrum in corruptione, surget in incorruptione: seminatur in ignobilitate, surget in gloria: seminatur in infirmitate, surget in virtute: seminatur corpus animale, surget corpus spiritalis.* Id est, corpus nostrum in B hac vita est obnoxium corruptioni & morti, committiturque sepulturæ, ut semini committitur agro: sed resurget incorruptibile, impassibile, clarum, agile, & subtile, ac perfectè subiectum spiritui, & quasi ad conditionem spiritus elevatum: tunc enim (inquit idem Apostolus ad Philip. 3.) *Christus reformat corpus humilitatis nostra configuratum corpori claritatis sue: id est, efficiet corpora nostra similia corpori suo gloriose, & iisdem dotibus & perfectiōibus illa dorabit, quibus in resurrectione fuit ipse ornatus.* Unde præclarè Leo Papa homil. de Transfigur. ait: *In illo Christi mysterio spes Ecclesie fundabatur, ut totum agnosceret quâ effet commutatione donandum, & ejus honoris consorium sibi membra promitterent, qui in capite prefusisset.*

### S. I.

#### Prima dos corporis glorioſi.

**26.** *P*RIMA dos corporis glorioſi est *impassibilitas*, que non solum mortem & corruptiōnem, sed etiam omnem dolorem & passionem laſivam seu corruptiōnam excludit: unde corpora damnatorum, quamvis futura sint incorruptibilia & perpetua, non tamen impassibilia, quia non erunt expertia passionis nocivæ, sed acerbissimos secundūm omnes sensus patientur dolores. Dixi autem *passionis laſiva seu corruptiōne*: quia dos impassibilitatis non excludet passionem perfectiōnem, qualis est receptio actionum immanantium, lenitivarum & accidentium omnium perficiēntium, sed solum passionem laſivam & corruptiōnam, secundūm quam alteratur subiectum & male disponitur.

**27.** Si autem quæras unde illa in corporibus glorioſis prœveniet? Respondeo cum D. Thoma in 4. dist. 44. qu. 2. art. 1. illam ex plena & perfecta subiectiōne corporis ad animam, tanquam à prima radice, oriūtur. Sicut enim corruptibilitas in corporibus sublunaribus ortum habet ex imperfēcto dominio formæ in materiam, ac non plena subiectiōne materiae ad formam; quamobrem dixit Philolophus i. Physic. cap. ultimo, *Materiam non satiatam formam machinare maleficium; quia nimur dum formam eam completa non actuāt, nec totum ejus appetitum explet, ipsa materia dat locum alteratioňibus & dispositionibus pro introductione formæ contrariæ: è converso autem corpora cœlestia id est sunt incorruptibilia, quia forma totaliter dominatur materiae, totaliterque illam ad suum esse trahit, ut explete totum ejus appetitum, nec relinquat famelicum alterius formæ,*

A sicutque materia non dat locum alteratioňi corruptiōne introducenti dispositiones ad tales formam: ita pariter, quod corpus nostrum naturâ suâ corruptibile, reddatur incorruptibile, provenire debet ex dominio animæ supra ipsum, seu ex plena subiectiōne ipsius ad animam, quâ fieri, ut materia potentialitas & appetitus ita maneat expleta, aut saltem cohibita, & ligata ad ipsam formam seu animam, ut nulli alterationi vel dispositioni ad aliam, locum aperiant, aut relinquant.

### S. II.

#### Secunda dos corporis glorioſi.

**S**ECONDA dos corporis glorioſi dicitur *subtilitas*: cuius præcipius effectus erit, corpus glorioſum ab omni terrena labi concretione & crassitate redire liberum, ipsumque, alioquin animale & terrestre, efficeri quasi cœleste & spirituale, juxta illud Apostoli i. ad Corinth. 15. *Seminatur corpus animale, surget corpus spiritalis.* Non quidem quod post resurrectionem corpus mutandum sit in spiritum, ut quidam hæretici olim dicebant, quorum meminit Augustinus 13. de civit. cap. 20. vel quia aëri aut vento simile erit, ut somniabat olim Eutychius Patriarcha Constantinopolitanus, sicut refert D. Gregorius 14. moral. cap. 29. & ultimo: sed quia erit spiritui perfecte subiectum, & quasi ad conditionem spiritus elevatum, ut suprâ dimisus.

Quod ut magis percipiatur, advertendum est quod anima rationalis & dicitur anima, & vocatur spiritus: primum convenient illi, inquantum informat corpus in ordine ad actiones vitales omnino materiales, sicut sunt operationes partis vegetativa, generatio, nutrītio, augmentatio, &c. in quo convenient cum ceteris formis vitalibus materia immersis: posterius vero convenient illi, inquantum habet affinitatem cum intelligentiis & substantiis separatis. Quia igitur in resurrectione anima non exercabit per corpus, nisi operationes aliquo modo spirituales, & valde elevatas supra materiam, cessabitque ab operationibus partis vegetativa purè materialibus & animalibus; juxta illud Apostoli i. ad Corinth. 6. *Esca veniri, & venter escis: Deus autem & hunc & illas defruet;* id est, post resurrectionem nullus erit escarum & ciborum usus, nullum ventris in illis digerendis officium; ideo dicetur illud informare, non tam ut anima, id est, ut animalis forma, quâ ut spiritus & intelligentia; & corpus sic informatum, tunc non dicetur animale & terrestre, sed subtile & spirituale.

E in hoc convenient omnes Authores: sed difficultas & controversia est, an dos subtilitatis non solum effectum tribuire debeat corpori glorioſo; sed etiam vim & facultatem penetrandi omnia alia corpora, seu esse penetratiōnem in quolibet alio corpore quantumvis solidi, illi communicare? Partem affirmativam tenent plures ex Recentioribus, qui pro hac sententia citant Scotum, D. Bonaventuram, & alios: eamque probant tum ex etymologia nominis; nam subtile significare videtur penetrabile, seu penetrativum, & ideo subtile vocamus intellectum, vel visum, qui objectum usque ad intimam penetrat: tum etiam quia corpus Christi

K iii

## DISPUTATIO QUINTA

(cui per resurrectionem corpus nostrum conformabitur) per dote subtilitatis habuit, quod post resurrectionem sepulchrum penetraret, & clausis januis ad discipulos intraret. Unde Ambrosius lib. i. in Lucan cap. ultimò: Christus stetit in medio discipulorum januis clausis; non per incorpoream naturam, sed per resurrectionis corpoream qualitatem, impervia usū claustra penetrans. Nos autem in corpore simili corpori Christi resurgemus: seminatur enim corpus nostrum animale, refugiet spirituale. Et Laurentius Justinianus lib. de discip. & perfect. Monachorum cap. 23. *Caro* (inquit) cùm in hac vita degit, & peregrinatur à Domino, animalis natura est; post verò resurrectionis gloriam, tota spiritualis efficietur, ita ut omne solidum ei sit peruum: non claustris teneri poterit inclusa, non vinculis reliqua, non restricta custodibus, sed liberam ingrediendi & egrediendi ubique recipiet facultatem.

31. Nihilominus dicendum est, dote subtilitatis physice, seu efficienter & activè, hunc effectum non praestitram, sed mortaliter tantum, quatenus ad ejus presentiam, & in signum talis dotes praefabitus penetratio illa à Deo, ad voluntatem Beati. Ita S. Thomas in Supplemento qu. 83. art. 2, ubi sic discurrit: Restat ergo quod necessitas distinctionis duorum corporum in situ, causetur à natura quantitatis dimensione, cui per se convenient situs.... Subtilitas autem à corpore gloriose dimensionem non auferit; unde nullò modo auferit illi predictam necessitatem distinctionis situs ab alio corpore; & ideo corpus gloriosum non habebit ratione sua subtilitatis quod possit esse simul cum alio corpore, sed poterit simul cum alio corpore esse ex operatione divina virtutis. Sicut etiam corpus Petri non habuit ex aliqua proprietate indita, quod ad umbram ejus sanarentur infirmi, sed hoc siebat virtute divina ad adificationem fidei: ita faciet virtus divina ut corpus gloriosum possit simul cum alio corpore esse ad perfectionem gloriae.

Notat tamen idem S. Doctor in 4. dist. 44. qu. 2. art. 2. quæstunc. 4. quod quamvis modò dictò corpus gloriose poslit penetrare non gloriose, duo tamen corpora gloriae nunquam se penetrabunt: quia licet hoc de potentia absoluta non repugnet, non est tamen convenientis (inquit) quod corpus gloriose sit simul cum alio corpore gloriose: tum quia in eis servabitur debitus ordo, qui distinctionem requirit: tum etiam quia unum corpus gloriose non se opponit alteri; & sic nunquam duo corpora gloriae erunt simul.

32. Ad fundamentum autem oppositæ sententiae dicendum est, quod hoc nomen subtilitas non solum vim penetrandi designat, sed etiam immitatem ab omni crassitate, & terrena labis concretione, que ut ostendimus, est praeceps hujus dotes effectus. Unde Albertus Magnus in 4. dist. 44. qu. 5. Corpora Sanctorum vocantur subtilia, quoniam formæ, crassitatem, & alia ignobiles proprietates erunt eis ablatae.

Ad illud quod subditur, respondet D. Thomas loco primò laudato in resp. ad 1. Quod corpus Christi non habuit ex subtilitatis dote quod posset esse simul cum alio corpore in eodem loco, sed hoc factum est virtute Divinitatis post resurrectionem, sicut in nativitate, quando, ut inquit D. Gregorius, ex clauso exiit utero Virginis. Et super caput 15. epist. 1. ad Corinth. lect. 6. Non

negandum est (inquit) quin corpus gloriosum possit esse simul cum alio corpore in eodem loco: quia corpus Christi post resurrectionem intravit ad discipulos januis clausis, cui corpus nostrum in resurrectione conformandum speramus. Sed si-  
c ut corpus Christi hoc habuit, non ex proprietate corporis, sed ex virtute Divinitatis unita: ita corpus cuiuslibet Sancti hoc habebit, non ex dote, sed ex virtute Divinitatis existentis in eo: per quem modum corpus Petri habuit quod ad umbram ejus sanarentur infirmi, non per aliquam proprietatem ipsius. Nec obstant verba Ambrosij suprà adducta; his enim solum significare voluit, quod sicut corpus Christi, ratione dotes subtilitatis, jus aliquod morale habuit, ut per virtutem divinam, illi connaturaliter debitam, sepulchrum penetraret, & ad Discipulos januis clausis intraret; ita & corpora gloriae post resurrectionem, ratione dotes subtilitatis quā erunt prædicta, jus quoddam, & exigentiam moralem habebunt, ut Deus miraculosè cum illis concurrat ad penetrationem aliorum corporum quoiescumque voluerint. In eodem sensu intelligendus est Laurentius Justinianus, & alii SS. Patres, cùm afferant, quod corpora gloriae Sanctorum, ratione dotes subtilitatis, omnia alia corpora penetrabunt.

## S. III.

## Tertia dos corporis gloriae.

33. TERTIA dos est agilitas, id est vis celeritatem se quocumque movendi, seu maxima facilitas, quā corpus anima ad nutum obedit, maximè quantum ad motum localem, ut brevissimò spatiō, ad instar avium, seu ventorum, de loco in locum se transferat. Unde Ilaia 40. dicitur de Sanctis: Assument pennas ut aquila, current & non laborabunt, ambulabunt & non deficiunt. Et Sapient. 3. Fulgebunt Justi, & tanquam scintilla in arundineto discurrent; quæ utique magnâ velocitate & celeritate moveruntur.

Circa hanc dotem primò notandum est cum S. Thoma in Suppl. qu. 54. art. 1. quod per dotes corpus gloriose erit omnino subiectum anima glorificate.... anima autem conjungitur corpori non solum ut forma, sed etiam ut motor: & utroquo modo oportet quod corpus gloriose anima glorificate sit summè subiectum. Unde sicut per dote subtilitatis subiectum ei totaliter, in quantum est forma corporis dans esse specificum; ita per dote agilitatis subiectum ei, in quantum est motor, ut scilicet sit expeditum & habile ad obedire spiritui in omnibus motibus & actionibus anima.

34. Advertendum est etiam, quod dos agilitatis non tollit gravitatem & pondus naturale corporis mixti & terreni: hac enim est proprietas illius, quā non carebit Beatus, sicut nec quantitate & lineamentis debitis, & mixtione; sed per agilitatem solum impeditur usus & actus illius, non quidem omnis, sed tantum qui onerosus sit Beato, & contra ejus voluntatem: unde poterit Beatus, ratione hujus dotes, uti gravitate corporis cùm voluerit descendere, temperando illam, aut etiam augendo, ut magis vel minus velociter descendat; vel totaliter impedire usum illius, si voluerit ascendere, sicut afferit Christus.

Denique observandum est, quod licet per dote agilitatis possit Beatus celeriter moveri;